

Broj: 11-11/5-2227-8/25  
Sarajevo, 18.11.2025. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na prijedlog stalne Komisija za provođenje postupaka javnih nabavki roba i usluga za 2025. godinu za potrebe Federalnog ministarstva poljoprivrede, vodoprivrede i šumarstva, imenovane Rješenjem, broj: 11-04/3-898/25 od 25.03.2025. godine, federalni ministar poljoprivrede, vodoprivrede i šumarstva **donosi**

**ODLUKU**  
**o izboru najpovoljnijeg ponuđača za javnu nabavku usluga –**  
**organiziranje seminara iz oblasti veterinarstva**  
**(usluge iz Aneksa II. Zakona o javnim nabavkama)**

**I**

U cilju odabira najpovoljnijeg ponuđača, a na osnovu Poziva za dostavu ponuda za javnu nabavku usluga – organiziranje seminara iz oblasti veterinarstva za potrebe Federalnog ministarstva poljoprivrede, vodoprivrede i šumarstva, broj: 11-11/5-2227-1/25 od 28.10.2025. godine (u daljem tekstu: Poziv za dostavu ponuda), objavljenog na portalu javnih nabavki dana 28.10.2025. godine, broj Obavještenja o nabavci usluge iz Aneksa II, broj: 855-9-2-2-22-24/25, kao najpovoljnija prihvatljiva ponuda ocijenjena je ponuda ponuđača:

- **OD „HEA“ Sarajevo, s ukupnom cijenom ponude u iznosu 24.990,00 KM bez PDV-a.**

**II**

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete iz Poziva za dostavu ponuda, a ujedno odgovara i procijenjenoj vrijednosti javne nabavke.

**III**

Odluka stupa na snagu danom donošenja i objavit će se na web stranici Federalnog ministarstva poljoprivrede, vodoprivrede i šumarstva, u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

**O b r a z l o ž e n j e**

Postupak nabavke pokrenut je Odlukom o pokretanju postupka, broj: 11-11/5-2227/25 od 14.10.2025. godine. Javna nabavka provedena je u skladu sa odredbama Pravilnika o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH“, broj: 2/23). Procijenjena vrijednost javne nabavke iznosila je 25.000,00 KM bez PDV-a i predviđena je Planom javnih nabavki za 2025. godinu Ministarstva, dio Usluge, pod rednim brojem 10. – Organiziranje seminara iz oblasti veterinarstva. Obavijest o nabavci, broj: 855-9-2-2-22-24/25 poslana je na objavu 28.10.2025. godine, te je zajedno sa Pozivom za dostavu

ponuda istog dana objavljena na portalu javnih nabavki. Poziv za dostavu ponuda preuzelo je 7 privrednih subjekata.

U roku za dostavu ponuda, pristigle su 2 (dvije) ponude ponuđača i to: OD "HEA" Sarajevo i OD „Studio Šare & Doroteja“ Ilidža. Obe ponude dostavljene su blagovremeno.

Stalna Komisija za provođenje postupaka javnih nabavki roba i usluga za 2025. godinu za potrebe Federalnog ministarstva poljoprivrede, vodoprivrede i šumarstva, imenovana Rješenjem, broj: 11-04/3-898/25 od 25.03.2025. godine, izvršila je pregled i evaluaciju pristiglih ponuda, te konstatovala da je ponuda ponuđača OD "HEA" Sarajevo prihvatljiva, a ponuda ponuđača OD „Studio Šare & Doroteja“ Ilidža neprihvatljiva.

Ponuda ponuđača OD „Studio Šare & Doroteja“ Ilidža, sa registriranim sjedištem Ilidža, ID broj: 4303851360007 ocijenjena je neprihvatljivom iz sljedećih razloga:

Ukupna procijenjena vrijednost javne nabave iznosila je 25.000,00 KM bez PDV-a, a ponuđač OD „Studio Šare & Doroteja“ Ilidža je ponudio ukupnu cijenu ponude u iznosu 28.500,00 KM bez PDV-a. U skladu sa odredbama člana 2. stav (1) tačka 1) podtačka 2) Zakona o javnim nabavkama, između ostalog, propisano je da je neprihvatljiva ponuda, čija cijena prelazi planirana odnosno osigurana novčana sredstva ugovornog organa za nabavu. Također, Komisija je uvidom u *Izveštaj o preuzimanju dokumentacije Javnog poziva od strane ponuđača*, konstatovala da ponuđač OD „Studio Šare & Doroteja“ Ilidža nije preuzeo Javni poziv sa portala javnih nabavki.

Nakon izvršenog pregleda i evaluacije pristiglih ponuda, Komisija je dostavila federalnom ministru poljoprivrede, vodoprivrede i šumarstva Zapisnik o pregledu i ocjeni ponuda, broj: 11-11/5-2227-7/25 od 17.11.2025. godine zajedno sa Preporukom o izboru najpovoljnijeg ponuđača OD "HEA" Sarajevo, s registriranim sjedištem u Sarajevu, ID broj: 4304278820002.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz Poziva za dostavu ponuda. U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Pozivom za dostavu ponuda.

Izabrani ponuđač dostavio je prihvatljivu ponudu u skladu sa uvjetima iz Poziva za dostavu ponuda, a koja ujedno odgovara i procijenjenoj vrijednosti javne nabavke.

Uzimajući u obzir naprijed navedeno, odlučeno je kao u dispozitivu ove odluke.

#### POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana (s obzirom da je na portalu javnih nabavki objavljeno dobrovoljno ex ante obavještenje o transparentnosti) od dana prijema ove odluke. Žalba se podnosi u najmanje 3 (tri) primjerka.

Dostaviti:

- Ponuđačima u postupku
- Komisija za javne nabavke
- Sektor za finansije i računovodstvo
- a/a

